



Tractament cun prescripziun da heroin (TrPrHr)

Intent e finamira d'in tractament cun prescripziun da heroin en l'execuziun da chastis

Il tractament cun prescripziun da heroin en il SEG Realta è ina purschida terapeutica complementara a la lavur cunter drogas actuala per praschuniers ch'èn grevamain dependents. Il TrPrHr en il mund serrà d'in stabiliment da retenziun pussibilitescha da lavurar en moda pli intensiva e cun parts socialpedagogicas cun persunas dependentas da drogas.

Las finamiras dal tractament èn: abstinenza da tassis enivrants illegals, stabilisaziun da la psica, da la sanadad e da facturs socials, renunzia ad in consum da tassis enivrants ch'è colliada cun grondas ristgas, prender distanza da la scena da drogas e da la procuraziun illegala da tassis enivrants, sortida da la criminalitad da drogas, reduenziun dal cumportament che dat en egl socialmain e qua tras meglierament da la pussaivladad da reintegrasiun en la societad e prognosa legala favuraivla suenter l'execuziun dal chastis.

Gruppa en mira

En il program pon vegnir admess praschuniers ch'èn grevamain dependents da drogas

- tar ils quals tut las autras metodos da tractament reconuscidas ambulantas e staziunaras han fatg naufragi
- ch'èn dischintegrads socialmain
- che n'han betg cuntanschì ina stabilisaziun psichica, sociala e da la sanadad malgrà ina substituziun cun metadon
- ch'èn gia stads – avant la collocaziun en l'execuziun da chastis – en in tractament cun prescripziun da heroin e che duain cuntinuar cun tal durant l'execuziun dal chastis u per ils quals ina emprima admissiun en il TrPrHr Realta è raschunaivla, sche las cundiziuns d'admissiun che vegnan numnadas qua sutvart èn ademplidas

Cundiziuns d'admissiun

Las suandantas premissas ston esser ademplidas obligatoricamain per vegnir admess al TrPrHr Realta:

- (vegliadetgna minimala da 18 onns)
- dependenza da l'heroin che dura cumprovadain almain 2 onns
- cumprova d'almain duas emprovas da tractament ch'èn vegnidas interruttas u che n'han gì nagin success cun ina metoda da tractament reconuschida ambulanta u staziunara
- deficits en il sectur medicinal, psicologic e social che ston vegnir admess al consum da drogas

Criteris supplementars che vegnan pretendids da l'execuziun da chastis èn:

- consentiment en scrit da l'autorità executiva collocanta
- abilitad e prontezza da respectar las structuras e las normas dal stabiliment per l'execuziun giudiziala
- la situaziun da relaschada permetta da planisar ina cuntinuaziun adequata dal tractament

Scleriments preliminaris / decisiuns d'admissiun

Il scleriments preliminaris sco er la controlla dals criteris d'indicaziun vegnan fatgs da la direcziun dal manaschi e da la direcziun medicinala. Discurs cun ils petents vegnan fatgs per regla en il SEG Realta. L'indicaziun e la dumonda d'admissiun vegnan per regla fatgs da la conferenza d'indicaziun interdisciplinara che consista da la direcziun dal manaschi e da la direcziun medicinala. Dumondas d'admissiun vegnan controlladas dal medi chantunal dal Grischun e tramessas vinavant a l'uffizi federal da sanadad publica (UFSP) per l'approvaziun. L'UFSP emetta ina permissiun per pazients correspondentia.

Colliaziun / collavuraziun

La cumplexitad d'ina dependenza da tassis enivrants pretenda ina cooperaziun da differentas expertas e da different experts. Ina collavuraziun intensiva cun ils servetschs socials da las vischnancas da domicil, da las cussegliaziuns per dumondas da dependenza, da las assistenzas da reabilitaziun, dals servetschs psichiatrics/terapeutics, da medias e da medis da famiglia e spezials e da l'agid cunter AIDS è la premissa per in agid cumplessiv che ha clerass finamiras.

Custs

I vegnan mess a quint ils custs per l'execuziun da chastis normala plus ina part supplementara per ils custs da tractament da fr. 37.00 per di e per praschunier. Las cassas da malsauns pajan ina contribuziun da fr. 46.50 per di. Il pacient paga ina contribuziun als custs da fr. 40.00 per mais.

Direcziun dal program

direcziun dal manaschi: Vera Camenisch servetsch social dal SEG Realta 7408 Cazas	direcziun medicinala: Dr. med. Thomas Villmar Leitender Arzt Forensik Psychiatrische Klinik Beverin 7408 Cazis
---	---